



2.03 - Vendosja e Mbretërisë së Perëndisë në Tokë

(2.03 - Establishing Gods Kingdom on Earth)

1. Mbretëria e Perëndisë tregohet në fuqi

(Shkrimet nga ALBB)

Mat.6: 9-13 (Jezusi duke folur)

⁹ "Ju, pra, lutuni kështu: "Ati ynë që je në qiej, u shenjtëroftë emri yt. ¹⁰ **Ardhtë mbretëria jote. (Manifestuar nga demonstrimi i pushtetit dhe sundimit) U bëftë vullneti yt në tokë si ne qiell.**

¹¹ Bukën tonë të përditshme na e jep sot. ¹² Dhe na i fal fajet tona, ashtu siç ua falim ne fajtorëve tanë. ¹³ Dhe mos lejo të biem në tundim, por na çliro nga i ligu, sepse jotja është mbretëria dhe fuqia dhe lavdia përjetë. Amen.

- Është vullneti i Perëndisë që Mbretëria që është në qiell të vendoset në tokë nëpërmjet popullit të Tij, një race të re njerëzish të mbinatyrshëm - "besimtarët e rilindur", bij dhe bija të Perëndisë.
- Jezusi ishte pararendësi, shembulli i kësaj race të re njerëzish dhe tregoi se çfarë duhej bërë!

Lluka 4: 18-19

¹⁸ "Fryma e Zotit është mbi mua, sepse ai më vajosi për të ungjillëzuar të varfrit; ai më dërgoi për të shëruar ata që e kanë zembrën të thyer, për të shpallur çlirimin e të burgosurve dhe kthimin e të parit të verbërve, për të çliruar përsëri të shtypurit; ¹⁹ dhe për të predikuar vitin e pranueshëm të Zotit!'

- Shërbesa e tij përbëhej nga shërimi i të sëmurëve, dëbimi i demonëve, shpallja e Mbretërisë së Perëndisë dhe luftimi i mbretërisë së satanit.
- **Shërbesa ose puna e tij kryesore ishte të vendoste** mbretërinë e Perëndisë në tokë dhe në të njëjtën kohë të na tregojë ne se si të bëjmë të njëjtën gjë. Atë që bëri Ai do të bëjmë edhe ne në emrin e Tij dhe madje edhe gjëra më të mëdha!

Gjoni 14:12-14

¹² "Në të vërtetë, në të vërtetë po ju them: kush beson në mua do të bëjë edhe ai veprat që bëj unë **madje do të bëjë edhe më të mëdha se këto**, sepse unë po shkoj tek Ati im. ¹³ Dhe çfarëdo të kërkon në emrin tim, do ta bëj, që Ati të përlevdohet në Birin. ¹⁴ Në qoftë se do të kërkon diçka në emrin tim, unë do ta bëj".

- Ne na urdhërohet të bëjmë të njëjtën gjë si Jezusi dhe madje edhe më shumë!
- Ne na është dhënë fuqia dhe autoriteti në emrin e Jezuit!
- Kjo është ajo për të cilën është thirrur, propozitur dhe fuqizuar të bëjë çdo besimtar i rilindur!!

Marku 16:15-18

¹⁵ Pastaj u tha atyre: "Dilni në mbarë botën dhe i predikoni ungjillin çdo krijese; ¹⁶ ai që beson dhe është pagëzuar, do të jetë i shpëtuar; por ai që nuk ka besuar, do të jetë i dënuar. ¹⁷ Dhe këto janë shenjat që do t'i përcjellin ata që do të besojnë: në emrin tim ata do t'i dëbojnë demonët, do të flasin gjuhë të reja; ¹⁸ do t'i kapin me dorë gjarpërinjtë, edhe nëse do të pijnë diçka që shkakton vdekjen, nuk do t'u bëjë asnjë të keq; do t'i vënë duart mbi të sëmurët dhe këta do të shërohen"

Mateu 28: 18-20

¹⁹ **Shkoni, pra, dhe bëni dishepuj nga të gjithë popujt duke i pagëzuar në emër të Atit e të Birit e të Frymës së Shenjtë,** ²⁰ dhe duke i mësuar të zbatojnë të gjitha gjërat që unë ju kam urdhëruar. Dhe ja, unë jam me ju gjithë ditët, deri në mbarim të botës. Amen.



2.03 - Vendosja e Mbretërisë së Perëndisë në Tokë

2. Ne luftojmë kundër fuqive frymërore

Ef. 6: 10-18

¹² Sepse beteja jonë nuk është kundër gjakut dhe mishit, por kundër principatave, kundër pushteteve, kundër sunduesve të botës së errësirës të kësaj epoke, kundër frymërave të mbrapshta në vendet qiellore. ¹³ Prandaj merreni të gjithë armatimin e Perëndisë, që të mund të rezistoni në ditën e mbrapshtë dhe të mbeteni më këmbë pasi t'i keni kryer çdo gjë.

- Vini re që është armatimi i Perëndisë dhe jo ndonjë armatim i vjetër, por armatimi i Tij.

Jezusi e dinte se çfarë ishte beteja e vërtetë. Ai u lut dhe pastaj veprroi në autoritetin e tij dhe i gjithë qielli e mbështeti atë!

- Lufta jonë nuk është kundër mishit dhe gjakut (njerëzve), por kundër forcave shpirtërore që kanë marrë sundimin mbi tokën, njerëzit, qytetet dhe kombet nëpërmjet drejtimit të satanit.
- Është e rëndësishme të kuptojmë sferën shpirtërore, si funksionon dhe si funksionon edhe Fjala e Perëndisë për të mposhtur armikun dhe për të marrë përsëri tokën, së pari në frymë dhe pastaj në të natyrshmen!
- Ne na thuhet që të veshim armatimin e plotë të Perëndisë duke përfshirë vargun 18, duke u lutur në frymë ose duke u lutur në gjuhën tënde frymërore, pra, në gjuhë të tjera, gjë që është një çelës i rëndësishëm për fitore!
- Ne duhet të udhëhiqemi nga Fryma e Shenjtë në lutjet tona, ose me fjalë të tjera, Perëndia do t'i komunikojë Frymës së Shenjtë në ty vullnetin e Tij, Fryma e Shenjtë që jeton në ty do të komunikojë me frymën tënde dhe ti do të lutesh nëpërmjet gjuhëve të tjera lutjen e përkryer së cilës Perëndia mund t'i përgjigjet - është një cikël nga qielli në tokë, pastaj përsëri në qiell, por Fryma e Shenjtë duhet të përdorë organet tona vokale fizike për ta bërë këtë, sepse Perëndia ka nevojë për fjalë të folura për të vepruar. Mendja jonë normalisht nuk mund ta kuptojë atë që lutemi në gjuhë të reja, vetëm nëse Perëndia të jep një interpretim në mendjen tënde. Kjo është arsyeja pse satani e lufton kishën që të mos flasë në gjuhë.

Ef.6: 14-18

¹⁴ Qëndroni, pra, të fortë, duke patur në ijë brezin e së vërtetës, të veshur me parzmoren e drejtësisë, ¹⁵ dhe duke mbathur këmbët me gatishmërinë e ungjillit të paqes; ¹⁶ mbi të gjitha, duke marrë mburojën e besimit, me të cilën mund të shuani të gjitha shigjetat e zjarra të të ligut. ¹⁷ Merrni edhe përkrenaren e shpëtimit dhe shpatën e Frymës, që është fjala e Perëndisë; ¹⁸ duke u lutur në çdo kohë dhe me çdo lloj lutjeje dhe përgjërimit në Frymën, duke ndenjur zgjuar për këtë qëllim me çdo ngulmim dhe lutje për të gjithë shenjtorët.

- Armët e luftës sonë nuk janë të sferës natyrore, por të asaj mbinatyrore dhe ne duhet të mësojmë se si funksionojnë ato dhe të bëhemi të aftë në përdorimin e tyre. Çdo armë ka një përdorim të caktuar në betejën ndërmjet Mbretërisë së Dritës dhe mbretërisë së errësirës, por ato janë armatura e Perëndisë që na është dhënë për të luftuar luftën e mirë të besimit.
- Arma kryesore është "Shpata e Frymës" ose "Fjala e Perëndisë", e cila ka aftësinë për të arritur nga e natyrshmeja në sferën frymërore (ose mbinatyrore) kur përdoret nga besimtari dhe flitet me fjalë. Jezusi e përdori atë vazhdimisht për të mposhtur satanin.

Lluka 4: 1-13

⁴ Por Jezusi u përgjigj duke thënë: **"Është shkruar, 'Njeriu nuk do të jetojë vetëm me bukë, por me çdo fjalë të Perëndisë'**



2.03 - Vendosja e Mbretërisë së Perëndisë në Tokë

- **Jezui e tregoi Mbretërinë** e Perëndisë me pushtet dhe autoritet në tokë nëpërmjet shërbesës së tij kudo që shkoi - Veprat 10:38!

Veprat 10:38

³⁸ e si Perëndia vajosi me Frymën e Shenjtë dhe me fuqi Jezusin prej Nazareti, i cili e përshkoi vendin duke bërë mirë dhe duke shëruar të gjithë ata që ishin të pushtuar nga djalli, sepse Perëndia ishte me të.

- Nëse je i rilindur përsëri, atëherë ti ke edhe "vajosjen" që Jezusi ka, për shkak se Ai jeton në ty!

3. Çfarë është duke pritur Perëndia për sot - të njëjtën gjë që i gjithë krijimi po pret sot!

ÇELËSI!!

Rom.8: 18-19 & 22-27

¹⁸Unë mendoj në fakt, se vuajtjet e kohës së tanishme nuk vlejnë aspak të krahasohen me lavdinë që do të shfaqet në ne. ¹⁹Sepse dëshira e flaktë e krijesës pret me padurim shfaqjen e bijve të Perëndisë.

²⁰sepse krijesa iu nënshtrua kotësisë, jo me vullnetin e vet, po për shkak të atij që e nënshtroi, me shpresë;

²¹që vetë krijesa të çlirohet nga skllavëria e prishjes për të hyrë në lirinë e lavdisë së bijve të Perëndisë.

²²Sepse e dimë se deri tani mbarë bota e krijuar rënkon dhe është në mundim. ²³Dhe jo vetëm kaq, por edhe ne vetë që kemi frytet e para të Frymës, vajtojmë në veten tonë, duke pritur flakët birërimin, shpengimin e trupit tonë ²⁴Sepse me shpresë ne shpëtuam; por shpresa që duket nuk është shpresë, sepse atë që dikush e sheh si mundet edhe ta shpresojë? ²⁵Por në qoftë se ne shpresojmë atë që s'e shohim, atë gjë e presim me durim.

²⁶Kështu, pra, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtima të patregueshme. ²⁷ Dhe ai që heton zemrat e di cila është mendja e Frymës, sepse ai ndërhyr për shenjtoret, sipas Perëndisë.

PËRGJIGJJA!!

- E gjithë krijesa është duke pritur për shfaqjen e bijve (dhe bijave) të Perëndisë. Pse?
- **"Bijtë e Perëndisë janë (besimtarë të pjekur) - burra dhe gra që do të ngrihen nga fuqia e Perëndisë të sjellin çlirim dhe liri për njerëzimin ..."**
- Jo vetëm **fëmijë të Perëndisë** duke qenë të rilindur, por **Bij të Perëndisë** nëpërmjet shfaqjes së pushtetit dhe sundimit.
- **"Ata (besimtarë), të cilët përmes një kuptimi të natyrës së tyre hyjnore mund të veprojnë (siç bëri Jezusi në tokë), duke ushtruar sundim të plotë mbi të gjitha çështjet e jetës, duke u sjellë shpëtim shumë njerëzve, sepse gjërat do të jenë të mundura për këta njerëz"**
- Tërë toka po pret manifestimin e bijve të Perëndisë për të çarmatosur ligësinë dhe për t'i çliuar njerëzit nga robëria.
- E gjithë krijesa është duke rënkuar dhe duke pritur që **"Besimtarët"** të thonë **"Unë kam pushtet dhe autoritet në tokë dhe tani unë e ushtroj dhe ec në të si një bir i Perëndisë!"**
- Sa më shumë që të veprosh në të, aq më i aftë do të jesh dhe aq më shumë do të shohësh gjëra të ndodhin!
- A do të jesh ti vetëm një "fëmijë i Perëndisë" apo do të jesh "biri i Perëndisë", duke shfaqur fuqinë ndërsa vendos Mbretërinë e Perëndisë në tokë ashtu siç bëri Jezusi?



2.03 - Vendosja e Mbretërisë së Perëndisë në Tokë

4. Kush do të na ndihmojë, udhëheqë dhe udhëzojë?

²⁶Kështu, pra, edhe Fryma na ndihmon në dobësitë tona, sepse ne nuk dimë çfarë të kërkojmë në lutjet tona, sikurse duhet; por vetë Fryma ndërhyr për ne me psherëtimë të patregueshme. ²⁷Dhe ai që heton zemrat e di cila është mendja e Frymës, sepse ai ndërhyr për shenjtorët, sipas Perëndisë.

- Personi i Frymës së Shenjtë, personi i tretë i trinisë, është i barabartë me Perëndinë, atin!
- Ai ndihmon dobësinë e mishit tonë, atë që ne nuk mund ta bëjmë me aftësitë tona natyrore, Ai na ndihmon.
- Dobësitë tona, nganjëherë ne nuk e dimë se për çfarë duhet të lutemi.
- Fryma e Shenjtë që di gjithçka dhe është kudo në të njëjtën kohë, Ai do të të ndihmojë të bësh lutjen e duhur duke anashkuar intelektin tënd ose procesin e të menduarit.
- Fryma e Shenjtë në të vërtetë do të lutet nëpërmjet teje nëse do ta lejosh atë dhe do të punosh me Të si bashkëpunëtor!
- Lejoje qiellin të dërgojë lutjet që duhet të bëhen, pastaj këto lutje bëji përsëri tek Ati në emër të Jezusit, për të përfunduar kështu ciklin qiellor.

5. Fuqizimi nga dhe nëpërmjet Frymës së Shenjtë.

Veprat 1: 4-8 (Jezusi duke folur)

⁸ Ju **do të merrni fuqi** kur Fryma e Shenjtë do të vijë mbi ju dhe do të bëheni dëshmitarët e mi në Jeruzalem dhe në gjithë Judenë, në Samari dhe deri në skajin e dheut".

Veprat 2: 4-8

¹ Kur erdhi dita e Rrëshajëve, ata ishin të gjithë bashkë, në një mendje të vetme, në të njëjtin vend. ² Dhe befas nga qielli erdhi një ushtimë, si ajo e një ere që fryn furishëm, dhe e mbushi gjithë shtëpinë ku ata po rrinin. ³ Dhe atyre u dukën gjuhë, si prej zjarri, të cilat ndaheshin dhe zinin vend mbi secilin prej tyre. ⁴ Kështu të gjithë u mbushën me Frymën e Shenjtë dhe filluan të flasin në gjuhë të tjera, ashtu si Fryma e Shenjtë ua jepte të shpreheshin.

- Për t'u mbushur me Frymën e Shenjtë (ose pagëzim në Frymën e Shenjtë), një person duhet të rilindë duke ftuar Jezusin si Zotit të jetës së tyre nëpërmjet një lutje shpëtimi dhe faljeje të mëkateve. Vetëm atëherë një besimtar i rilindur mund të mbushet me dhe nga fuqia e Perëndisë me anë të Frymës së Shenjtë.
- Vetëm këta njerëz që janë "të rilindur", mund të veprojnë në autoritet dhe pushtet në tokë ashtu siç bëri Jezusi, dhe vetëm këta besimtarë mund të vendosin "Mbretërinë e Perëndisë në Tokë".

6. Një fjalë e fundit për "Vendosjen e Mbretërisë së Perëndisë në Tokë".

Është një betejë e vazhdueshme gjatë gjithë kohës, pa pushim, në qiej dhe në tokë, midis fuqive të dritës dhe fuqive të errësirës, si në sferën natyrore ashtu edhe në atë frymërore. Satani (një engjell i rënë) nuk është në lartësinë e Perëndisë, sepse Perëndia është më i madh, por Perëndia duhet të punojë sipas një plani që Ai e filloi në Kopshtin e Edenit dhe që përfundimisht do të plotësohet në fund të kësaj epoke me fitoren nga "Nusja e Krishtit - Kisha e Vërtetë". Perëndia po kërkon që besimtari i zakonshëm i rilindur të ngrihet, të pjekurohet frymërisht, të pajiset me shërbesën e pesëfishtë, duke punuar së bashku si një skuadër për të bërë punën e shërbesës, për të luftuar luftën e mirë të besimit dhe për të marrë përsëri tokën nga duart e Satanit, armikut.

JEZUSI ËSHTË ZOT!